

Nonnunquam convenit illius amicitiam quærere prius, quem emendare desideramus, nam non auditur libenter vir ingratus — ast simul cognoscat ille, nos non applaudere ejus depravatis moribus aut penuriæ fidei. Hortari oportet *prudenter*, ne offendatur in presentia aliorum fama ac tali modo scandalum augeatur. Discernendus est etiam induratus peccator a poenitente, ad meliorem frugem revertente ac „considera te ipsum, ne et tu tenteris.“ (ad Gal. VI 31) Cont. seq.



Ad hanc dissertationem censemus addendam esse querelam, quam S. Gregorius in tepidos Ecclesiæ magistros illius ævi profert his verbis; „Est aliquid fratres charissimi, quod me de vita pastoris vehementer affligit. Ad exteriora enim negotia delapsi sumus et aliud ex honore suscipimus atque aliud ex officio actionis exhibemus. **Ministerium prædicationis** reliquimus et ad pœnam nostram... honoris nomen non virtutis tenemus, Relinquant namque Deum hi, qui nobis commissi sunt, et tacemus: in pravis actionibus jacent, et correptionis manus non tendimus: quotidie per multas nequitias pereunt, et eos ad infernum tendere negligenter videmus.“

Continuatio sequetur.

N. 3537.

Piis ad aram precibus commendatur

Anima Perillust. D. Jacobi Wessely, Canonici tit. Tarnov. Decani olim Wojnic. et Inspectoris schol. nat. emeriti. Præpositi Curati Radkov. fautoris scholarum in parochia, Membri societatis agronomicæ Cracov. et edendorum librorum bonorum Viennen. activi.. ætatis 67. annorum, et Presbyteratus 37. depicto templo, restaurato Organo, solo, auctoque ecclesiae inventario... relicta ultimæ voluntatis Dispositione, ac Sacramentis moribundorum provisione subsecuta, die 10. Oct. a. c. hora 5. postmeridiana... dormitui, pro qua Consodales pro f. o. i. missae sacrificium litare tenentur.

E Consistorio Episcopali,

Josephus Alojsius,

Tarnoviae die 12. Oct. 1865.

Episcopus Tarnoviensis.

JOANNES FIGWER, Cancellarius.

Tarnoviæ & Premislæ. Typis Anastasii Rusinowski, 1865.

Impensis Illustrissimi ac Reverendissimi Consistorii.